



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
OPĆINSKI NAČELNIK



---

*Vogošća, ul. Jošanička br. 80, tel: 00387 33 586-411*

**P R A V I L N I K**

**ZA DODJELU NOVČANIH POTICAJA ZA KUPOVINU REPROMATERIJALA  
PROLJETNE SJETVE I DRUGIH POLJOPRIVREDNIH KULTURA**

Vogošća, april 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09) i čl. 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24), Općinski načelnik donosi

**PRAVILNIK  
ZA DODJELU NOVČANIH POTICAJA ZA KUPOVINU REPROMATERIJALA  
PROLJETNE SJETVE I DRUGIH POLJOPRIVREDNIH KULTURA**

**I OPĆE ODREDBE**

**Član 1.  
(Predmet)**

Ovim Pravilnikom se uređuju uslovi i postupak za dodjelu novčanih poticaja za kupovinu repromaterijala za proljetnu sjetvu, a koja su planirana u Budžetu Općine Vogošća (u daljem tekstu: Općina).

**Član 2.  
(Namjena korištenja sredstava)**

Planirana finansijska sredstva, u skladu sa ovim Pravilnikom namijenjena su isključivo za nabavku repromaterijala za proljetnu sjetvu, i to: sjemena, sadni materijal, mineralna i organska gnojiva, jarne žitarica (pšenica, ječam, zob, kukuruz) i druge poljoprivredne kulture.

**Član 3.  
(Rodno značenje izraza)**

Izrazi koji se koriste u ovom Pravilniku, a koji imaju rodno značenje, bez obzira jesu li korišteni u muškom ili ženskom rodu, obuhvataju na jednak način muški i ženski rod.

**II USLOVI I NAČIN DODJELE SREDSTVA**

**Član 4.  
(Uslovi za ostvarivanje prava)**

Pravo na dodjelu novčanih poticaja za kupovinu repromaterijala za proljetnu sjetvu i druge poljoprivredne kulture mogu ostvariti kandidati pod sljedećim uslovima:

- a) da imaju prebivalište na području općine Vogošća;
- b) da su vlasnici ili posjednici obradivog zemljišta na kojem se obavlja sjetva (samo teritorij Općine Vogošća);
- c) da je podnosilac zahtjeva upisan u RPG i RK (Registar poljoprivrednih gazdinstava i Registar klijenata), kod nadležne općinske Službe i da je izvršeno ažuriranje podataka u tekućoj godini;
- e) da podnosilac zahtjeva ima otvoren i aktivan račun u banci.

**Član 5.  
(Javni poziv)**

- (1) Sredstva za podršku aktivnostima iz člana 1. ovog Pravilnika dodjeljivat će se na osnovu podnesenih zahtjeva, a u skladu sa objavljenim javnim pozivom.
- (2) Javni poziv se objavljuje na web stranici Općine i ostaje otvoren 15 dana od dana objavljivanja.

- (3) Zahtjevi za sufinansiranje dostavljaju se službi nadležnoj za oblast poljoprivrede (u daljem tekstu: Služba) preporučeno putem pošte ili putem protokola.

#### **Član 6. (Podnošenje potrebne dokumentacije)**

Kandidat koji želi ostvariti pravo na dodjelu novčanih sredstava dužan je dostaviti dokumentaciju kojom dokazuje ispunjavanje uslova, u originalu ili ovjerenim kopijama, i to:

- a) Zahtjev za dodjelu sredstava (potpisan od podnosioca);
- b) Potvrdu o upisu u Registar poljoprivrednih gazdinstava (RPG) i Registar klijenata (RK) izdati u tekućoj godini za koju se aplicira;
- c) Dokaz o vlasništvu ili posjedništvu nad parcelom (kopija ZK izvadka; kopija posjednovnog lista, ugovor o korištenju zemjišta bez naknade);
- d) Račun za kupljeni repromaterijal za proljetnu sjetvu iz tekuće godine za koju je objavljen javni poziv;
- e) Izjava podnosica zahtjeva o površini i lokaciji na kojoj je izvršena sjetva (ovjerena);
- f) Potvrda o otvorenom računu kod banke.

#### **Član 7. (Način provođenja postupka)**

- (1) Ocjenu prijave vršit će nadležna općinska Služba i utvrditi listu korisnika u skladu sa raspoloživim budžetskim sredstvima planiranim za ove namjene.
- (2) Odluku o dodjeli novčanih poticaja za proljetnu sjetvu na prijedlog Službe donosi Općinski načelnik.
- (3) Korisnici će biti obavješteni o rezultatima javnog poziva u roku od 30 dana od dana zatvaranja istog.
- (4) Nakon obrade prijave i formiranja liste korisnika, odobrena sredstva će biti uplaćena na račune korisnika putem nadležne Službe za finansije.
- (5) Kandidati koji ne ostvare novčani poticaj će biti obaviješteni pismenim putem.

### **III FINANSIRANJE**

#### **Član 8. (Iznos sredstava)**


- (1) Iznos novčane podrške vršit će se na osnovu zasijane obradive površine i to:  
1 m<sup>2</sup> zasijane obradive površine 1KM.
- (2) Minimalan iznos novčane podrške koji se može doznačiti podnosiocu zahtjeva po ovom Pravilniku iznosi 100,00 KM, a maksimalan iznos do 500,00 KM.
- (3) U slučaju povećanog broja procenat sufinansiranja će biti utvrđen shodno visini raspoloživog Budžeta.
- (4) Neće se finansirati korisnici koji imaju manje od 100 m<sup>2</sup> obradive površine.

### **IV ZAVRŠNE ODREDBE**

#### **Član 9.**

Ovaj Pravilnik stupa na snagu narednog dana od dana objave na Oglasnoj ploči i web stranici Općine Vogošća.

Broj: 03-20-505/25  
Vogošća, 03.04.2025. godine



OPĆINSKI NAČELNIK  
Migdad Hasanović

*Hasanović M.*



## Obrazloženje

### I Pravni osnov

Pravni osnov za donošenje ove Pravilnika je:

- član 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", br.49/06 i 51/09)
- 71. i 125. Statuta Općine Vogošća – („Službene novine Kantona Sarajevo“, broj 27/14 – Prečišćeni tekst i 14/15, 9/20 i 23/24) kojim je određena nadležnost Općinskog načelnika za donošenje pojedinačnih i općih akata iz samoupravnog djelokruga općine.
- tačkom 5. Smjernica o minimalnim standardima dodjele proračunskih sredstava putem transfera i subvencija u Federaciji Bosne i Hercegovine („Službene novine Federacije BiH“ 37/24) definisana je obaveza primjena Smjernica od strane lokalnih zajednica.

### II Razlozi donošenja

Poljoprivredna proizvodnja predstavlja jednu od ključnih privrednih grana koja osigurava prehrambenu sigurnost, doprinosi ekonomskom razvoju i očuvanju ruralnih područja. Međutim, poljoprivredni proizvođači se suočavaju sa brojnim izazovima, uključujući visoke troškove proizvodnje, promjenjive vremenske uslove, ograničen pristup finansijskim sredstvima i oscilacijama u tržišnim vrijednostima.

S ciljem unapređenja poljoprivredne proizvodnje, podrške poljoprivrednicima i povećanja domaće proizvodnje hrane pristupilo se izradi ovog Pravilnika.

### III Obrazloženje predloženih rješenja

Član 1. definiše predmet regulisanja Pravilnika;

Članom 2. definiše namjenu korištenja;

Član 3. utvrđuje rodno značenje izraza;

Član 4. propisuje uslove za ostvarivanje prava.

Član 5. Propisuje obavezu raspisivanja javnog poziva;

Član 6. definiše potrebnu dokumentaciju;

Član 7. Definiše način provođenja postupka;

Članom 8. Definiše iznose sredstva;

Članom 9. utvrđuje način stupanja na snagu ovog Pravilnika:

### III Finansijska sredstva

Sredstva za sufinansiranje kupovine repromaterijala za proljetnu sjetvu i druge poljoprivredne kulture obezbijedit će se u Budžetu Općine Vogošća.